


[www.BibleForChildren.org](http://www.BibleForChildren.org)



San Juan 14



Rëb tää Jesús: –Ad rudi xgab. Gol bililadx Dios, gol bililadx tää naj. Lidx da Dadan dád zien luar lod guiban bejn yu'. Bal iche yu', ad ziant ganin lojdi, chiguienchaawan xluaridi. Chi ma benchaawan luar guin, dxel yaguialan guidgaxin lëjt din sudi lod gazun.



Naj Waj tijb ree lasa'di b n riladx Jesucrist.  
Tijbzi nadxu' ree loj xguialrniabeeman, tijbzi  
cayzaagdiaj ree abi' caydaan ree por


laaman.



Naj guyu'n ladxguiib loj yuj riga' loj nijsdoo  
lod la Patmos guial rtiechan xtiidx Dios në  
gra ree ni ragbeen xcwent Jesucrist.




Loj hor zii gajc por xguialrniabee xSprijt Dios, chi  
gogbeen ma za'n xanyabaa yagaj baguian tijb yagxhil  
zagdxe zi'c xi yagxhil tijb rey, lojn zojb tijb bejn.



Dxel biguiejnan cha' gra ree ni been Dios, zi'c ni yu'  
ree xanyabaa, loj guidxliuj nē ni yu' ree lēn liuj nē  
ree ni yu' loj nijsdoo, rēb reen: Bén  
zojb loj xyagxhil guialrniabee nē  
bén naj zi'c xi xiilaman, par laa  
reeman naj respejt, diidxza'c,  
guialrniabee, abi' guilies reeman  
xvalor reeman  
zianczi nē par  
tiblayaa.




Dxel baguian Jerusalén cüb, xguiedx narooob Dios zidguiajtan xi xanyabaa Dios. Dád za'chaawan zi'c rzujchaaw tijb biingunaa chi ma guxhliaam con xin gac lacheelim. Abi' dád rejs biguiejnan cha' bën gunee lod za' xyagxhil Dios, rëbaman: –Ma za' Dios con ree bejn, guibannëman laa reeman abi' laa reeman gac xbejnman, guiáad laaman suman con laa reeman abi' gacaman xDios reeman.



Balüü tää anjl guin lon tijb guiiw naya ni razaladx  
guialnaban, naynidxuj zi'c tijb guiaawajn. Ririi nijs guin  
lod za' xyagxhil Dios con bën naj zi'c xi xiilaman, abi'  
zën galay loj neyz narooob ni naa galay ciuda guin.



Abi' loj ciuda guin ad rüjnt naguiejn gusni gubijdx ni'qui  
bëëw, din xbacha' Dios rusni ni abi' bën naj zi'c xi  
xiilaman laaman naj bajl ni.




Per ad yu't dxej chu' ni dxuudx loj ciuda guin, ni'qui ree b́en ŕujn ni dxuudx ni'qui ree b́en rusquiee, b́en cazi ree laj loj xlibr guialnaban ni ca' b́en naj zi'c xi xiil Dios, laaz reeman chu' loj ciuda guin.




–Laaman gutiaa loj reeman nijs  
biin reeman, dxel achetri  
guialgüjt chu', guialroon,  
guialrunaya nē guialzi, din gra  
ree ni guyu gocli ma gudēd reen.




Achetri ni mal chu' ni, abi' Dios con b́en naj zi'c xi  
xiilaman cwe loj xi yagxhil reeman guiáad ree xbejn  
reeman gap da't laa reeman respejt. Abi' ni guguaaloj  
reeman Dios, b́en ni ca ree lajman lucwaj.



Dxel baguian guial delant loj yagxhil guin lod zojb Dios,  
ni za' ree bengüt, zi'c ree bengol zi'c ree xindobëz.  
Abi' bixal loj ree libr, dxel bixal loj stijb libr ni la xlibr  
guialnaban. Dxel been Dios xguialguxtisaman  
con ree bengüt guin zi'c ca loj ree libr  
guin xcwent ree ni been reeman.  
Abi' loj gajc bajl guin bayal  
ree bén ad cat laj loj  
xlibr guialnaban.



XSprijt Dios con biinxdüb ni gac lacheel bën naj zi'c xi  
xiil Dios rëb reeman: –Guda. Abi' bën riguiejn rniece  
reeman zian, rëb gajcaman: –Guda. Chutëëz bën re'c  
nijs, gol guda, abi' bën rën zajc guië'man nijs runee  
guialnaban lagajzi.



'Guial tant rën Dios bénguidxliuj,  
majsi tijbzi xi'nman, per guxhaalaman  
laaman loj guidxliuj, din graczi Bén  
chililadx laaman ad zaniytt reeman loj  
Dios, gap reeman guialnaban  
tiblayaa con laaman.



Gui'ch par ree bén Rom 3:23  
Din gra bejn ma been dol, achutczi naya niz loj Dios.

Gui'ch par ree bén Rom 6:23  
Din ni rüjn bejn gan por dol laan naj casti, per ni razaladx  
Dios naj guialnaban tiblaxaa par ree bén ma naj tijbzi  
con dux Dad ree Jesucrist.

Gui'ch par ree bén Hebreos 9:27  
Zi'cgajc gra bejn tib voltzi rëjt reeman, dxel zëäd ni  
yadëäd reeman cwent loj Dios.



Gui'ch par ree bén Éfeso 2:8,9

Guial naj Dios benza'c, zeel ma nayajc ree pardon, ad guial nayajct ree benza'c lojman. Por guial riladx zëéd xperdon Dios. Ni'quid por ni zagdxe ni ma baguieent ree zëéd pardon guin chitëë chu guilies xvalor gajc.

Gui'ch par ree bén Rom 10:9,10

Bal yaneero'l guial Jesús naj Dad par lüj abi' guidib luxdool chililadxil guial basban Dios laaman loj ree bengüt, dxel ma najl pardon. Din chi chililadx bejn Jesucrist con guidib luxdooman, diizd loj hor zii ma najman cwent sin dol.

Abi' chi yaneero'man guial Jesucrist naj Dad par laaman, dxel ma najman pardon.



## San Juan 3:16,17

'Guial tant rën Dios bénguidxliuj, majsi tijbzi xi'nman, per guxhaalaman laaman loj guidxliuj, din graczi Bén chililadx laaman ad zanijt reeman loj Dios, gap reeman guialnaban tiblaxaa con laaman. Din Dios ad guxhaalt xi'nman loj guidxliuj din gudëédaman bejn casti, guxhaalaman laaman din gap ree bejn perdon loj Dios.

## Gui'ch yaloj bacaa San Juan 5:11-13

Abi' ni rëbaman naj guial ma baneeman guialnaban tiblaxaa duloj ree, guialnaban guin zëéd por xi'nman. Bén za'në Xi'n Dios tijbzi, laaman naban tiblaxaa delant loj Dios, per Bén ad za'nët laaman tijbzi, laaman ad ca't guialnaban guin. Cucan nine ree par lëjt najdi Bén rililadx Jesucrist Xi'n Dios din gagbeedi guial ma ca'di guialnaban tiblaxaa delant loj Dios.



San Juan 14; Gui'ch barojp par ree bén Corinto 5;  
Ni balüü Jesucrist loj San Juan 4, 21, 22

Storyline by: Edward D. Hughes

Illustrated by: Lazarus  
and Alastair Paterson

Adapted by: Sarah S.

Zapotec Santo Domingo Albarradas NT (zas) © 2010,  
Wycliffe Bible Translators, Inc. All rights reserved.

<https://live.bible.is/bible/ZASWYI/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

